


XUNTA  
DE GALICIA **Saída 1027 / RX 1137564**  
REXISTRO DO CONSORCIO GALEGO DE SERVIZOS DE IGUALDADE E  
BENESTAR Data 21/06/2021 11:15:09



D. Felipe Rivas Jorge  
Concelleiro Delegado de Educación e Difusión  
do Coñecemento do Concello de Lugo  
Praza Maior, 1  
27001 Lugo

Achégolle un exemplar, asinado por ambas partes, do *Convenio de colaboración entre o Consorcio Galego de Servizos de Igualdade e Benestar e o Concello de Lugo para a xestión e cofinanciamento da Escola infantil do Concello de Lugo, quedando dous exemplares no arquivo deste Consorcio.*

Atentamente,

Perfecto Rodríguez Muíños  
Xerente do Consorcio Galego de Servizos de Igualdade e Benestar

Santiago de Compostela



CONVENIO DE COLABORACIÓN ENTRE O CONSORCIO GALEGO DE  
SERVIZOS DE IGUALDADE E BENESTAR E O CONCELLO DE LUGO  
PARA A XESTIÓN E COFINANCIAMENTO DA ESCOLA INFANTIL DO  
CONCELLO DE LUGO

**REUNIDOS**

Dunha parte, Fabiola García Martínez, Conselleira de Política Social, en virtude da súa condición de Presidenta do Consorcio Galego de Servizos de Igualdade e Benestar, segundo o previsto nos artigos 13 e 18 dos estatutos que o regulan publicados no DOG núm. 131 do 7 de xullo de 2006.

Doutra parte, D. Felipe Rivas Jorge, actuando en representación do Concello de Lugo, en virtude da súa condición de Concelleiro Delegado de Educación e Difusión do Coñecemento da citada Corporación, segundo o disposto no artigo 124 da Lei 7/1985, do 2 de abril, reguladora das bases do réxime local e no artigo 61 da Lei 5/1997 do 22 de xullo, de administración local de Galicia, competencia delegada por Decreto da Alcaldía número 2973/2021, do 16 de abril de 2021.


As partes, no nome e representación que ostentan e coa capacidade legal para este acto,

**EXPOÑEN**

**PRIMEIRO.-** Que o Consorcio Galego de Servizos de Igualdade e Benestar (en diante o Consorcio), creado en virtude do convenio de colaboración suscrito o día 3 de xullo de 2006, de acordo co artigo 6 dos

seus estatutos, publicados no DOG do 7 de xullo de 2006, ten como misión primordial a participación na dirección, avaliación e control da xestión dos servizos sociais de ámbito local, (centros de prestación de servizos sociais de atención especializada e tamén centros de prestación de servizos sociais de atención primaria “cando así o solicite o concello interesado”).


Que o Consorcio naceu así, de acordo ás súas finalidades e competencias, co obxecto de implantar un modelo homoxéneo de prestación de servizos sociais e desta maneira:

- 
- garantir o acceso de todos os galegos e galegas a uns servizos sociais públicos de calidade, a través dunha oferta de recursos suficiente e equilibrada territorialmente;
  - incrementar os niveis de cobertura, intensidade e calidade de atención dos distintos servizos e prestacións;
  - Realizar unha distribución efectiva dos servizos e prestacións a fin de dar resposta ás necesidades reais da poboación, asignando equitativamente o uso e acceso aos recursos sociais dispoñibles, a través de procesos de planificación previa, e tendo como principio de actuación o mantemento das persoas no seu contorno propio.

**SEGUNDO.-** Que a Lei 13/2008, do 3 de decembro, de Servizos Sociais de Galicia, establece no seu artigo 64 e 64 bis que a Xunta de Galicia promoverá unha efectiva coordinación e cooperación cos concellos co fin de asegurar a calidade e cunha cobertura equilibrada dos servizos sociais en todo o territorio, especialmente no que atinxe á creación e ao mantemento de servizos sociais comunitarios específicos. Esta



coordinación poderá levarse a cabo a través de fórmulas xurídicas adecuadas para tal fin, como as fórmulas de cooperación interadministrativa de natureza consorcial. Para estes efectos, a disposición adicional segunda da devandita lei fai referencia expresa ao Consorcio Galego de Servizos de Igualdade e Benestar para o cumprimento deses obxectivos, ao estipular que o Consorcio promoverá a coordinación e cooperación efectiva cos concellos galegos co fin de asegurar unha cobertura equilibrada dos servizos sociais en todo o territorio de Galicia.



Asemade, a Lei 13/2008 prevé no seu artigo 29.1 que os servizos sociais prestaranos as administracións públicas directamente ou, de maneira indirecta, a través das diversas modalidades de contratación da xestión de servizos públicos establecidos na normativa reguladora dos contratos do sector público.

**TERCEIRO.-** Que o Concello de Lugo adheriuse ao Consorcio Galego de Servizos de Igualdade e Benestar por medio de Convenio asinado con data de 21.04.2017.

**CUARTO.-** Que con data do 21 de abril de 2017 o Concello e o Consorcio asinaron xunto coa Fundación Amancio Ortega (en diante FAO), un convenio de colaboración para a construción dunha Escola infantil 0-3, nunha parcela de titularidade municipal de 6.032 m<sup>2</sup> que foi posta a disposición do Consorcio trala aprobación da mutación demanial dun terreo de 3.800 m<sup>2</sup>, co fin de construír unha Escola infantil 0-3 de 6 unidades (82 prazas).

O dito terreo forma parte dunha parcela de titularidade municipal de 6.032 m<sup>2</sup> e ten un fronte de 76 m. que dá a unha rúa de nova apertura, paralela á Avda. Paulo Fabio Máximo, e ten un fondo de 50 m, cunha edificabilidade de 1.887,92 m<sup>2</sup>. A citada parcela municipal (6.032 m<sup>2</sup>), atópase inscrita a nome deste Concello no rexistro da propiedade nº 1 de Lugo, no tomo 1.974, libro 1.535, folio 2210, finca 124.637 e inscrición 1ª, e está cualificada como solo de equipamento no PXOM.



De conformidade co estipulado no convenio asinado o 21.04.2017, unha vez rematada pola FAO a construción da Escola infantil 0-3 así como a dotación do mobiliario para a súa adecuada posta en funcionamento a FAO doará ao Consorcio ou, de ser o caso, ao ente público que asuma as súas competencias, o equipamento construído e este quedará integrado no patrimonio do Consorcio formando parte da súa rede de centros, correspondéndolle ao Consorcio a responsabilidade da súa posta en funcionamento e, comprometéndose o Concello á sinatura do correspondente convenio de colaboración co Consorcio para a xestión do equipamento.

**QUINTO.-** Que con data de 11 de maio de 2016 a Consellería de Política Social e a Federación Galega de Municipios e Provincias (FEGAMP) asinaron un acordo marco en relación co Consorcio no que se considera que a fórmula consorcial é un modelo idóneo para seguir prestando e cofinanciando servizos sociais de maneira conxunta e coordinada entre a Administración Autonómica e a Administración Local. Neste acordo marco enténdese prioritario para manter esa fórmula consorcial de colaboración, o establecemento dun modelo de cofinanciamento claro que garanta a viabilidade económica presente e futura dos servizos que se prestan no ámbito local polo Consorcio, quedando estipuladas as condicións deste

cofinanciamento para os convenios que poidan asinarse cos concellos para a xestión destes servizos, nomeadamente, escolas infantís e centros de día.

En desenvolvemento do referido acordo marco, foi aprobado o réxime de cofinanciamento nos servizos prestados polo Consorcio Galego de Servizos de Igualdade e Benestar en colaboración cos concellos e mancomunidades regulado no artigo 69 da Lei 2/2017, de 8 de febreiro, de medidas fiscais, administrativas e de ordenación (DOG núm. 28, do 9 de febreiro).

**SEXTO.-** Que é vontade das partes asinar un convenio de colaboración para a escola infantil, ao abeiro das previsións contidas no artigo 69 e no anexo I da Lei 2/2017, coincidindo ambas as dúas partes na conveniencia de establecer este marco de colaboración para a xestión e cofinanciamento do servizo da escola infantil que se formaliza coa sinatura do presente convenio, garantindo así a continuidade da prestación deste servizo no Concello.

En atención a todo o exposto, as partes asinantes acordan outorgar o presente convenio de colaboración coas seguintes

## CLÁUSULAS

### PRIMEIRA.- Obxecto

O obxecto do presente convenio é establecer o marco de colaboración para asumir a xestión e cofinanciamento da Escola infantil do Concello de Lugo situada na Avenida Paulo Fábio Máximo s/n, descrita no anexo I do



presente convenio, co fin de garantir a prestación deste servizo no Concello a partir do curso escolar 2020/2021.

#### SEGUNDA.- Xestión da Escola infantil

O Consorcio asumirá a dirección, avaliación e xestión do dito centro de acordo cos Estatutos que o regulan, a Lei 13/2008, do 3 de decembro, de servizos sociais de Galicia, o Decreto 254/2011, de 23 de decembro, polo que se regula o réxime de rexistro, autorización, acreditación e inspección dos servizos sociais de Galicia, o Decreto 329/2005, de 28 de xullo, polo que se regulan os centros de menores e os centros de atención á infancia e demais normativa de aplicación.



#### TERCEIRA.- Obrigas das partes

- a) Ao Consorcio correspóndelle a xestión da Escola infantil, de calquera das formas previstas na lexislación vixente, segundo o previsto na cláusula segunda do presente convenio.
- b) O Concello asume, en virtude do presente convenio, ao abeiro das previsións contidas no artigo 69 e no anexo I da Lei 2/2017 Lei 2/2017, de 8 de febreiro (DOG núm. 28, do 9 de febreiro)., de medidas fiscais, administrativas e de ordenación , a obriga de contribuír ao financiamento dos gastos de funcionamento do centro (gasto corrente – capítulos I a IV –) para o cal transferirá anualmente ao Consorcio, durante todo o período de vixencia do convenio, un importe de 1500 euros/ano por cada unha das prazas ocupadas por persoas usuarias da Escola infantil, segundo se establece no anexo II do presente convenio.

c) No caso de que o Concello asuma directamente algún dos custos relativos ao mantemento do equipamento, a achega en metálico prevista nos apartados anteriores, reducirase en función do gasto efectivamente xustificado polo Concello.

d) As achegas comprometidas polo Concello en virtude do presente convenio terán a consideración de débedas firmes, líquidas e esixibles e poderán ser obxecto de compensación coa participación deste no Fondo de Cooperación Local, de acordo co disposto na súa regulación.

No non previsto nos apartados anteriores, será de aplicación no artigo 69 da Lei 2/2017 de medidas fiscais, administrativas e de ordenación (DOG núm. 27, do 9 de febreiro).

#### CUARTA.- Protección de datos de carácter persoal

O Consorcio e o Concello comprométense a cumprir as medidas de seguridade, en función dos datos que poidan ser cualificados como datos de carácter persoal, segundo a Lei Orgánica 3/2018 de 5 de decembro de Protección de Datos Persoais e garantías dos dereitos dixitais e demais normativa de aplicación.

#### QUINTA.- Comisión de seguimento

Créase unha comisión mixta para a vixilancia e seguimento do convenio que estará integrada polo Alcalde do Concello e a persoa titular da xerencia do Consorcio ou persoas en quen deleguen.

As funcións desta comisión serán as seguintes:

- Avaliación dos resultados da execución do convenio.



- Resolución das dúbidas e discrepancias que poidan xurdir na interpretación e aplicación do convenio.
- Resolución dos problemas que se presenten na execución do convenio, garantindo o desenvolvemento normal dos compromisos adquiridos.
- Adopción de acordos relativos ás xustificacións previstas na cláusula 3. c).
- Adopción de acordos relativos ao cofinanciamento de gastos de investimento no centro que, de ser o caso, serían deducidos da achega que lle corresponda ao Concello, nos termos previstos no apartado 4º do anexo I do acordo marco asinado con data de 11 de maio de 2016 entre a Consellería de Política Social e a FEGAMP en relación ao Consorcio.



#### SEXTA.- Duración e entrada en vigor

O presente convenio entrará en vigor o día da súa sinatura, estendendo os seus efectos desde esta data, e terá unha duración de catro anos. Non obstante, en calquera momento antes da finalización do dito prazo poderase acordar unanimemente por ambas as partes a súa prórroga por un período de ata 4 anos adicionais ou a súa extinción.

O disposto no parágrafo anterior, respecto dos efectos do presente convenio, entenderase sen prexuízo das previsións contidas no artigo 69 da Lei 2/2017, de 8 de febreiro, de medidas fiscais, administrativas e de ordenación (DOG núm. 28, do 9 de febreiro).

SÉTIMA.- Causas de resolución

Serán causas de resolución do presente convenio:

- a) O acordo das partes asinantes.
- b) O incumprimento total ou parcial de calquera das cláusulas establecidas no mesmo.
- c) A concorrencia de circunstancias que determinen a imposibilidade de realizar as actuacións previstas no convenio.

OITAVA.- Publicidade

O convenio será obxecto de publicación de conformidade co artigo 15.2 da Lei 1/2016, de 18 de xaneiro, de transparencia e bo goberno e, consonte o previsto no Decreto 126/2006 polo que se regula o Rexistro de Convenios da Xunta de Galicia, o Consorcio remitirá ao órgano correspondente, orixinal e copia compulsada deste convenio, unha vez asinado, para os efectos de inscrición no devandito rexistro.

NOVENA.- Natureza e réxime xurídico aplicable

O presente convenio terá carácter administrativo. Os seus efectos rexeranse polo establecido nas cláusulas do mesmo e no, non previsto, aplicaráselle os principios da Lei 9/2017, de 8 de novembro, de Contratos do Sector Público, para resolver as lagoas e dúbidas que puideran presentarse.

As cuestións litixiosas que xurdan respecto da interpretación, modificación, resolución e efectos do presente convenio serán resoltas, en primeira instancia pola Comisión de Seguimento prevista na cláusula quinta deste convenio. Os conflitos que poidan xurdir entre as partes, e

que non poidan resolverse no seo da devandita Comisión de Seguimento, someteranse á resolución da xurisdición contencioso-administrativa, dado o carácter administrativo do convenio.

E en proba de conformidade cos termos do convenio, as partes comparecentes asínano e rubricano por triplicado exemplar no lugar e data expresados.

Lugo, 18 de maio de 2021

A PRESIDENTA DO CONSORCIO  
GALEGO DE SERVIZOS DE  
IGUALDADE E BENESTAR

O CONCELLEIRO DELEGADO  
DE EDUCACIÓN E DIFUSIÓN  
DO COÑECEMENTO



CONSORCIO  
GALEGO  
de Servizos de Igualdade e Benestar

Fabiola García Martínez

(P.D Decreto de Alcaldía núm.  
2973/2021 do 16.04.2021)



RJ Felipe

Felipe Rivas Jorge



## ANEXO I

A Escola infantil para cuxa xestión e financiamento se subscribe o presente convenio de colaboración entre o Consorcio Galego de Servizos de Igualdade e Benestar e o Concello de Lugo, está enclavada na parcela que a seguir se describe, adscrita a favor do Consorcio mediante a acta da mutación demanial subxectiva formalizada o 11 de xullo de 2017 en virtude do acordo adoptado pola Xunta de Goberno Local na sesión do 22 de febreiro de 2017, número 8/89:

Terreo de 3.800 m<sup>2</sup> que forma parte dunha parcela de titularidade municipal de 6.032 m<sup>2</sup> e ten un fronte de 76 m. que dá a unha rúa de nova apertura, paralela á Avda. Paulo Fabio Máximo, e ten un fondo de 50 m., cunha edificabilidade de 1.887,92 m<sup>2</sup>. A citada parcela municipal (6.032 m<sup>2</sup>), atópase inscrita a nome do Concello no rexistro da propiedade nº 1 de Lugo, no tomo 1.974, libro 1.535, folio 2210, finca 124.637 e inscrición 1ª, e está cualificada como solo de equipamento no PXOM.

A construción da Escola infantil na parcela descrita foi acometida pola FAO, de conformidade coas disposicións contidas no convenio de colaboración asinado o 21 de abril de 2017, cuxa doazón ao Consorcio, así como a dotación inicial do mobiliario e material didáctico formalizouse na acta de entrega do 24.07.2018.

## ANEXO II

De conformidade coas previsións contidas no artigo 69 da Lei 2/2017 de medidas fiscais, administrativas e de ordenación (DOG núm. 27, do 9 de febreiro), dando cumprimento ao establecido no Acordo marco FEGAMP– Consellería de Política Social en relación ao Consorcio Galego de Servizos de Igualdade e Benestar do 11/05/2016, o Concello transferirá anualmente ao Consorcio, co fin de contribuír ao financiamento dos gastos de funcionamento do centro, durante todo o período de vixencia do convenio, un importe de 1500 euros/ano por cada unha das prazas ocupadas por persoas usuarias da Escola infantil.

O número máximo de prazas para a Escola infantil é de 82 prazas de conformidade coa autorización do inicio de actividade -PIA- expedida polo órgano con atribucións en materia de autorización e inspección da consellería da Xunta de Galicia con competencia en materia de servizos sociais.

A liquidación das achegas económicas do Concello realizarase semestralmente, unha vez coñecido o nivel de ocupación e persoas usuarias de cada semestre, remitíndose dúas liquidacións, unha correspondente á matrícula da primeira metade do curso escolar iniciado no mes de setembro inmediatamente anterior, e outra correspondente á segunda metade restante do curso escolar, incluíndose nesta as modificacións de matrícula que no seu caso se puideran producir no período extraordinario de matrícula. Sen prexuízo de poderen ser remitidas cunha periodicidade distinta, sempre que así se acorde por ambas partes. Para o cálculo da achega terase en conta a matrícula real de cada curso escolar, sen distinción do horario que teña cada neno/a

usuario/a, e sempre co límite do número máximo de prazas establecido no parágrafo anterior.

En todo o non previsto neste anexo, será de aplicación o artigo 69 da Lei 2/2017 de medidas fiscais, administrativas e de ordenación (DOG núm. 27, do 9 de febreiro).

